



UNIVERSITÄTS-
BIBLIOTHEK
PADERBORN

M. Ant. Mvreti Variarvm Lectionvm Libri XV

Muret, Marc-Antoine

Antverpiæ, M. D. LXXXVI.

Cap. 13. Correctus & illustratus Aristotelis locus è libro quinto Ethicorum.

[urn:nbn:de:hbz:466:1-70864](#)

*Correctus & illustratus Aristotelis locus è
libro quinto Ethicorum.*

CAP. XIII.

ARISTOTELES libro quinto Ethicorum cùm ius civile ita diuisisset, & aliud naturale esse, aliud legitimum diceret: legitimi exempla hæc posuit: Mina captiuos redimere: capram, non oves duas immolare: Brasidæ sacra facere. quorum primum & postremum vnde sumpta sint, satis constat: medium ita non commune ac contritum est, vt Michaël Ephesus temere id confictum, non ex vlla historia sumptum putarit. Quod cùm mihi semper suspectum vi- sum esset, memini me, octo abhinc annos, cum eum librum Lutetiae publicè interpretarer, ita dicere, mendaciam mihi ciuius loci scripturam videri; sic tamen, vt non magno negocio corrigi posset. neque enim legendum, αἴτια θύεν, ἀλλὰ μὴ μόνον φρόβατα: sed, αἴτια θύεν, ἀλλὰ μὴ μόνον φρόβατα: id est, capra, non ouibus, rem diuinam Ioui facere. Id acceptum esse ex Herodoto, qui in Euterpe narrat, ab iis Ægyptiis qui Iouis Thebani templum accolunt, suntve è Thebana præfectura, non oues, sed capras tantum immolati: cùm contrà, qui sunt è præfectura Mendesia, capris abstineant, immolent oues. utriusque autem tunc fabulosas quasdam origines pluribus verbis persequitur. Hoc ex me postea auditum Dionysius Lambinus, homo singulari doctrina & acerrimo iudicio prædictus, ita probauit, vt interpretationem Aristotelei loci suam, ad meam correctionem accommodarit.

O 2

Verbum

at Mureti
Lectione.
LIII
25